

43
 ventus Domini sit inveniendus. Ut li-
 tera hebdomadarum per totum annum
 memoriter inveniatur. Quomodo Chri-
 stus sit passus in tertio Kalendas Apri-
 lis. Quomodo anni ab origine mundi
 omnes fallunt. Qualiter Luna quinta-
 decima non potest ad illam diem, qua
 facta fuit, pertinere. De Assumptione
 Sanctæ Mariæ. De Agnete Imperatri-
 ce. Fuit autem temporibus Michaëlis,
 & Alexii Imperatorum.

ANNOTATIO.

EX præfatis luculentis eruditionis, ac do-
 ctrinæ monumentis nonnulla asservari in
 Biblioth. Casinensi Cod. sign. num. 3. sub hoc
 Lemmate, *Canones Mathematici*, Camillus Pe-
 regrinus virtute, doctrinaque ornatissimus
 nobis humanissimis literis communicavit. Flo-
 ruit Pandulphus anno Dom. 1060.

CAPUT XXVII.

DE LANDENULPHO.

LAndenulphus Capuanus sub Desi-
 derio Abbate Monachus factus est.
 Scripsit sermone simplici librum, qui
 appellatur..... in quo introduxit Do-
 minum, & Virginem Mariam, ac San-
 ctissimum Benedictum justis ac pecca-
 toribus loquentes. Fuit eo tempore quo
 & Alphanus.

Claruit Anno Domini MCL.

CAPUT XXVIII.

DE ODERISIO.

Oderisus primus Casinensis Abbas,
 humilitate summus, castitate pu-
 dicus, spiritali lumine præditus, ver-
 sificatorque mirabilis. Scripsit nonnul-
 la, quæ, quia præ manibus habentur,
 omitto referre. Fuit autem tempori-
 bus supradictorum Imperatorum.

ANNOTATIO.

Oderisus Oderisii Comitis Marforum filius
 Campanus ex Diac. Card. Sanctæ Aga-
 thæ, Nicolai II. Papæ Presbyt. Cardinalis tit.
 Sancti Cyriaci in Thermis, & Abbas Casin.
 ab Urbano II. ordinatus est ann. 1087. 16.
 Kalend. Octobris, sanctitatis & doctrinæ me-
 ritis nobilitatus abiit ad præmium 4. nonas De-
 cembris 1105. & Casini sepultus in Ecclesia
 Sancti Benedicti. Meminit Martyrolog. Bene-
 dict. ad diem 2. Decembris, & Ferrar. in Cata-
 log. Sanctorum. Ejus in antiquo lapide men-
 tio fit in Ecclesia Sancti Joannis in Venere in
 agro Lancianensi. Oderisii maxima per literas
 tius est amicitia Alexius Comnenus Constan-
 tinopolitanus Imperator. Henricum IV. Cæ-
 sare, quamvis Ecclesiæ hostem, sui tamen Mo-
 nasterii amicum & fautorem habuit. De gestis

A
 ejus vide Ostiens. lib. 3. cap. 15. hist. Casin.
 & Camill. Peregrin. in serie Abb. Casinens. in
 Oderisio. Extat epistola Oderisii ad Monachos
 Floriacenses, quam refert Lauretus de exist.
 corp. S. Benedicti in Monast. Casin. cap. 26.
 pag. 122.

CAPUT XXIX.

DE BENEDICTO.

Benedictus qui & Guaiferius, Saler-
 nitanus, sanctitate & religione
 conspicuus, suaviter eloquio, ingenio ma-
 gnus, sermone facundus. Scripsit ad
 Trojanum Episcopum vitam Sancti Se-
 cundini, & cantum ejus. Versus in lau-
 dem Psalterii. De miraculo illius, qui
 se ipsum occidit, & per Beatum Jaco-
 bum vitæ redditus est. De conversione
 quorundam Salernitanorum. De laude
 Sancti Martini. In laudem Sancti Se-
 cundini. Hymnos de eodem. Homi-
 liam de Adventu. Sermones de Nati-
 vitate Domini. De Epiphania. De
 Cœna Domini. De Septuagesima. De
 Ramis Palmarum. Passionem Sancti
 Lucii Papæ. Claruit autem tempori-
 bus Alexii & Henrici Imperatorum,
 ac Desiderii Abbatis.

ANNOTATIO.

Opuscula MSS. Guaiferii seu Gauferii, cha-
 ractere Langobardico in prisca mem-
 branis exarata habentur in Bibliotheca Casi-
 nensi sub num. 280. hoc titulo præsignata.
 Guaferii Monachi Casinensis homilia. In Ad-
 ventu Domini incipit: *Verba Sancti Evange-
 lii*. In Nativitate Domini. *Ex Patre Maje-
 statis*. In Epiphania. *Sempiterni pudoris*. In
 Septuagesima. *Per parabolam conductoris*. In
 Ramis Palmarum. *Singularem, & famosissimam*
Redemptoris. Passio Sancti Lucii Papæ. *For-
 tissima & præclara virtutum studia*. Historia
 Sancti Secundini Episcopi Trojani. *De bono
 dilectionis*, quam in Catalogo Sanctorum Fer-
 rarij sub die 11. Febr. compendio descriptam
 etiam reperies. Sequuntur in eodem Cod.
 MS. carmina Gauferii, videlicet. In laudem
 Psalterii, incipit:

Verba fero vita, quæ verbum vita notavit.
 De miraculo ejus, qui se ipsum occidit.
Mortis in immanem te miserit culpa ruinam.
 De conversione quorundam Salernitanorum.
Res nova magna satis perbiberit facta Salerni.
 In laudem Sancti Martini Episcopi.
Gemma Sacerdotum votis assiste tuorum.
 In laudem Sancti Secundini Trojani Episcopi.
Adsis tota tuis festis festiva diebus.
 Hymnum de eodem Sancto Secundino.
Christe Rex Regum, pretium piorum.
 Cuncta præfata opuscula & carmina nos
 etiam manu exarata asservamus, bono publi-
 co proferenda.
 De obitu Gauferii, vide quæ notavimus su-
 pra in Alberico, consule etiam nostrum Pe-
 trum in auct. Chron. Casin. lib. 3. cap. 61.
 edit. Ven. claruit Anno Domini 1060.